

Landsmót

Mikilvægar dagsetningar og önnur skipulagsatriði



Landsmót ÆSKÞ Selfossi 20. -22. okt

Best er að undirbúningur fyrir landsmót hefjist ekki síðar en í 36. viku þ.e. mánudaginn 4. september.

Landsmót er fyrir unglinga á aldrinum 13-17 ára (fædda 2000-2004). Leiðtogar skulu hafa náð 18 ára aldri þann 20. október. Að taka þátt í landsmóti er virkilega skemmtilegt og gefandi. Þema landsmóts í ár er umhverfisvitund.

Töluverðan undirbúningur þarf til að koma með á landsmót ef áhugi er á að unglingarnir taki þátt í hæfileikakeppni og fjáröflun. Hér eru smá leiðbeiningar um að hverju þarf að huga.

1

ÞÁTTAKENDUR

Fæddir 2000-2004

2

SJÁLFBODALÍÐAR

Fæddir 1999 og eldri

3

LEIÐTOGAR

Þurfa að hafa náð 18. ára aldri 20. október.



Þema mótsins

Í ár ætlum við að fjalla um mikilvægi þess að varðveita sköpunarverkið.



Ekkert plast

Selfoss nýtir Landsmót og útrýmir palstpökum.



Hvernig undirbúum við hópinn?

Á heimasíðunni www.aeskth.is er að finna hugmyndir af samverum með umhverfisfræðslu grunni.

**Kynna
mótið**

Vika 36 | 4. - 10. september

Kynna landsmót. Gott að senda kynningu heim með unglungunum. Safna hugmyndum fyrir hæfileikakeppnina.

Hefja fjáröflun. T.d. er hægt að nota www.netsofnun.is, safna flöskum eða halda kökubasar í kirkjunni.

**Sendu leyfis-
bréf**

Vika 37 | 11. - 17. september

Ákveða atriði fyrir hæfileikakeppnina. Munið það má bara vera í mesta lagi 3 mínútur. Skipuleggja sölu á "Gjöf sem gefur" gjafabréfum.

**Undirbúa
hæfileika-
keppni**

Vika 38 | 18. - 24. september

Síðasti séns að senda unglingana heim með leyfisbréf. Í þessari viku er líka ágætt að hafa foreldrafund. Vill kannski eitthvert foreldrið koma með sem leiðtogi á mótið?

**Halda
foreldrafund**

**Innheimta
staðfestingar-
gjald**

Vika 39 | 25. september - 1. október

Innheimta staðfestingargjald og skrá á landsmót. Síðasti skráningardagur er föstudaginn 29. september. Staðfestingargjaldið er 9.000 kr og óafturkræft. Ekki ætti að skrá unglingana án þess að þeir séu búnir að greiða staðfestingargjaldið þar sem það getur reynst erfitt að innheimta það síðar ef þeir hætta við. Unglingar greiða staðfestingargjald til sinna leiðtoga sem svo greiða rafræna kröfu frá ÆSKP.

**Skrá hópinn á
landsmót**

Skrá og senda inn atriði fyrir keppnina.

**Sendu inn
atriði í
hæfileika-
keppnina**

Vika 40 | 2. - 8. október

Rafræn krafa verður send á kennitölu kirkjunnar fyrir greiðslu staðfestingargjalda. Hún eru óafturkræf. Í þessari viku er um að gera taka þátt í plastsöfnunar keppninni.

**Borga
rafræna kröfu**

Vika 41 | 9. - 14. október

Innheimta afganginn af mótsgjaldinu frá þeim sem ætla að taka þátt í mótinu. Þátttakendur greiða mótsgjald til sinna leiðtoga sem síðan greiða rafræna kröfu frá ÆSKP strax að móti loknu.

**Innheimta
afganginn af
mótsgjaldinu**

**Leggja af stað
á landsmót!**

Vika 42 | 15. - 22. október

Lagt af stað á landsmót. Brottfarartímar auglýstir þegar nær dregur.

Svara könnun

Vika 43 | 23. - 29. október

Rafræn krafa fyrir greiðslu mótsgjalda þátttakendanna og leiðtoga send á kennitölu kirkjunnar. Mikilvægt að greiða hana strax til þess að ÆSKP geti greitt reikninga vegna mótsins.

**Borga
rafræna kröfu**

Gisting

Gist verður í Vallaskóla og öðrum byggingum á svæðinu. Þátttakendur og leiðtogar þurfa að hafa með sér dýnur. Athugið að tvíbreiðar vindsængur eru ekki leyfilegar nema að tveir sofi á vindsænginni. Vegna fjölda skráninga er nauðsynlegt að nýta plássid vel. Raðað er í stofur eftir hópum og gista piltar og stúlkur í sitt hvorri stofunni.

Matur

Fyrsta máltíðin á mótinu er á föstudagskvöld og því þurfa þátttakendur að kaupa sér mat eða taka með nesti ef langt er að keyra. Athugið að mikilvægt er að upplýsa landsmótsnefnd um fæðuofnæmi við skráningu þar sem slíkar upplýsingar þurfa að liggja fyrir tímanlega fyrir kokkana. Síðasta máltíð á mótinu er morgunmatur á sunnudegi. Þátttakendur fá svo nesti með sér í rútur.

Mótsstaður

Dagskrá mótsins fer fram í Íþróttahúsinu, sundlauginni, skólunum og víðsvegar í bænum. Við verðum sýnileg á Selfossi.

Skráning

Vefslóð: <http://skraning.aeskth.is>

Skráning á mótið fer fram í gegnum rafrænt skráningarkerfi ÆSKÞ. Skráningu lýkur **29. september 2017**.

Allar spurningar er snerta skráningu á Landsmót ÆSKÞ skal senda á netfangið skraning@aesktth.is.

Reglur um fjölda og aldur leiðtoga

Gerð er sú krafa að 1 leiðtogi fylgi hverjum 7 þátttakendum og með hverjum hópi skulu fylgja að lágmarki 2 leiðtogar. Biðjum við leiðtoga að virða þessa reglu. Hægt er að hafa samband við framkvæmdarstjóra ef æskulýðsfélag er í vandræðum með að manna leiðtogastöður og verður þá reynt að aðstoða við að finna leiðtoga. Leiðtogar verða að vera orðnir 18 ára þann 20. október 2017 (f.1999).

Margir hafa góða reynslu af því að nýta foreldra sem leiðtoga á mótinu. Leiðtogar, prestar og aðrir sem fylgja hópum eru skipulagðir á vaktir á mótinu til þess að annast gæslu, afgreiðslu á mat, frágang og annað.

Fjármála stúss...

Það er ákaflega mikilvægt að leiðtogar haldi vel utan um skráningar og greiðslur. Ef tekið er við greiðslum í reiðufé er góð regla að afhenda unglíngnum greiðslukvittun, en kvittanahefti má fá í öllum bókabúðum. Þá er einnig hægt að fletta upp í heftinu og sjá hver hefur borgað.



Mörgum hefur einnig reynst vel að fá fjárhæðirnar lagaðar inn á reikning en þá skiptir máli að foreldrar setji kennitölu eða nafn barns sem skýrningu og mikilvægt að minna á þetta.

Oft er um töluverðar fjárhæðir að ræða, förum varlega og komum þannig í veg fyrir misskilning og fjárhagsleg vandræði.

Skipulagið

ÆSKÞ sér um framkvæmd mótsins. Skipulagning er á höndum mótsnefndar undir stjórn landsmótsstjóra sem eru að þessu sinni Ása Laufey

Aðrir í nefndinni eru:

Jóhanna Ýr, Eva Björk, Jónína Sif, Guðjón Andri, Konný Björk, Katrín Helga, Hjörtur Freyr Sæland, Sigurður Óskar, Hjalti Jón, Bjarni Heiðar

Þá spila sjálfboðaliðarstórt hlutverk í framkvæmdinni

Við hlökkum til þess að starfa með ykkur á mótinu og eiga ánægjulega helgi saman.



Skrifstofa ÆSKÞ er í Neskirkju.

Netfang: aeskth@aeskth.is

Sími: 6618485/5111562

Framkvæmdastjóri er:

Jónína Sif Eypórsdóttir

Vaktaskrá er afhent við innritun á mótið. Við vekjum athygli á því að allir taki sínar vaktir og séu mættir tímalega.

Sjálfboðaliðar

Þeir ungleiðtogar sem eru 17 ára (f. 2000) og því ekki með aldur til að starfa sem leiðtogar á mótinu geta sótt um að vera í sjálfboðaliðahóp landsmóts. Einnig geta leiðtogar sem eru eldri en 17 ára sótt um að vera í þessum hópi ef þeir eru ekki að fara með hóp á landsmót. Sótt er um rafrænt á vef ÆSKÞ og opnar fyrir umsóknir í byrjun september. Við hvetjum ungleiðtoga af höfuðborgarsvæðinu jafnt sem utan af landi til að sækja um.

Það er mikil vinna sem felst í því að vera sjálfboðaliði á landsmóti. Viðkomandi þarf að búa sig undir mikla vinnu, hjálpa til við uppsetningu á staðnum, þrif og fleira. Ekki komast allir að því einungis er hægt að taka inn 15-20 sjálfboðaliða fyrir hvert mót. Umsóknarfrestur fyrir sjálfboðaliða er til 29. september 2017.

Kröfur um skimun leiðtoga og sjálfboðaliða

ÆSKÞ gerir þá kröfu að allir leiðtogar og sjálfboðaliðar sem koma á landsmót hafi farið í gegnum skimun, þ.e.a.s að búið sé að kanna ákveðin atriði varðandi sakavottorð í samræmi við siðareglur vígðra þjóna og annars starfsfólks þjóðkirkjunnar. Það er á ábyrgð kirkju viðkomandi hóps að slík skimun hafi farið fram.

Hæfileikakeppni æskulýðsfélaganna

Hæfileikakeppnin er af mörgum talin einn af hápunktum landsmóts enda hefur keppnin vaxið mikið síðastliðin ár. Í fyrra tókum við upp þá nýbreytni að bjóða upp á forkeppni og mæltist það virkilega vel fyrir. Við munum því endurtaka leikinn í ár.

Eins og undanfarin ár þurfa öll atriði sem keppa eiga í hæfileikakeppninni að skila sér til dómnefndar eigi síðar en þremur vikum fyrir mót þ.e. í 39. almanaks viku.

Dómnefndin mun síðan velja 6 atriði sem koma til með að keppa á mótinu sjálfu. Þar verður stigagjöfinni háttað með svipuðum hætti og gert var í söngkeppni evrópskra sjónvarpsstöðva síðustu árin og munu atkvæði æskulýðsfélaganna gilda 50% á móti atkvæðum dómnefndar.

Aðeins er leyfilegt að senda eitt atriði frá hverju æskulýðsfélagi í keppnina. Hámarkslengd á atriði sem tekur þátt í keppninni er 3 mínútur. Það má vera styttra en ekki er leyfilegt að fara yfir þennan tíma. Fari atriði yfir leyfilegan hámarkstíma verða stig dregin af atriðinu.

Þemað - (ó)nýtt Landsmót

Í ár ætlum við að horfa til sköpunarverksins og hvað við getum gert til að varðveita það. Við sem kristnir einstaklingar berum ábyrgð á því að varðveita og viðhalda sköpun Guðs og það er skylda okkar að gera allt það sem í okkar valdi er til að skila jörðinni í betra ásigkomulagi en við tókum við henni.

Yfirskrift mótsins í ár: (ó)nýtt landsmót - minnir okkur á það að hver hlutur og hugmynd er auðlind. Það sem er ónýtt í augum eins, er nýtt í huga annars.

Að endurnýta hluti sem og hugmyndir er til þess fallið að auka verðmæti og sama tíma sýna virðingu, því ef við sækjumst alltaf bara eftir einhverju nýju skiljum við aldrei fullkomlega auðinn sem býr í hverjum hlut og því síður það kraftaverk sem jörðin okkar er. Við hverjum því æskulýðsfélögin til þess að taka þátt í eftirfarandi:

Plastkeppni: Hvert æskulýðsfélag reynir að safna eins miklu plasti og það getur á einum æskulýðsfundi, það er síðan vigtað og upplýsingarnar sendar á aeskth@aeskth.is. Viðurkenning verður veitt því félagi sem safnar mestu.

Tengsl við hjálparstarfið: Samhliða undirbúningi fyrir landsmót langar okkur að hvetja æskulýðsfélögin til þess að taka þátt í að selja „Gjöf sem gefur“ gjafabréf hjálparstarfsins. Við viljum sérstaklega beina því til æskulýðsfélagana að selja eftirfarandi bréf og skrá hjá sér fjölda seldra bréfa.

Skoðið endilega: <http://www.aeskth.is/landsmot-2017/onyttlandsmot/> og <http://www.gjofsemgefur.is>



Reglur Landsmóts ÆSKP

1. Munum gullnu regluna og förum eftir henni
2. Umgengni lýsir innri manni. Göngum um allt húsnæði með virðingu. Valdi þátttakandi skemmdum á húsnæði og/eða eigum Húnaþings vestra, ÆSKP eða annarra er honum gert að bæta tjónið.
3. Á auglýstum kyrrðartíma eiga allir að vera komnir á sína svefnstaði og forðast háreysti.
4. Skyldumæting er á alla auglýsta dagskrá mótsins nema annað sé sérstaklega teki fram.
5. Þátttakendum ber að hlýða leiðtogum sinnar kirkju, starfsfólki og landsmótsstjóra.
6. Orkudrykkir eru bannaðir á landsmóti.
7. ÆSKP ber ekki ábyrgð á verðmætum (s.s. sínum, spjaldtölvum, fartölvum, farangri eða öðru) sem þátttakendur eða leiðtogar taka með sér á mótið.
8. Meðferð og neysla áfengis og annarra vímuefna er óheimil á landsmóti. Haft verður skilyrðislaust samband við forráðamenn þeirra sem brjóta þessa reglu og viðkomandi sendur heim á þeirra kostnað.
9. Reykingar eru ekki leyfðar á mótinu. Við fyrsta brot verður haft samband við forráðamenn. Verði reykinga aftur vart verður viðkomandi sendur heim á þeirra kostnað.